

նոյն վիճակին է ենթարկւում. նա եւս, թողնելով արքայական գահ ու գաւազանը, թողնելով իր երկրի կառավարութիւնը, սկսում է լեռներում ճգնաւորական կեանք վարել: Հայաստանի երկրորդ լուսաւորիչները, Սահակ Պարթեւը եւ Մեսրոպ, երկար մաքառելով ամենադժոճարին արգելքների դէմ, եռանդով առաջ են տանում իրանց սկսած մեծ գործը: Բայց երբ դժբախտ հանգամանքները ծանրանում են եւ սրանց վրայ, սրանք եւս թողնում են աշխարհը եւ հեռանում են դէպի անապատը...

Ես կարող էի մեր պատմութիւնից շատ օրինակներ բերել, բայց այդքանն էլ բաւական է:

Այդ երեւոյթը նկատուում է մեր պատմութեան մէջ ոչ միայն անհատների վերաբերութեամբ, այլեւ ամբողջ անապատական ուխտերի եւ միաբանութիւնների վերաբերութեամբ, որոնք, ժամանակի հալածանքներից խուսափելով, որոնք այնքան ուժ չունենալով մաքառելու ժամանակի հարոճների դէմ, որոնք, անկարող լինելով փոխել, յեղաշրջել երկրի անբաւարար կարգերը, յուսահատութիւնից անձնատուր են լինում անապատական կեանքի: Եւ դրա մէջ պետք է որոնել այդ պատմական երեւոյթների իսկական պատճառը, որ անապատների կառուցումները ըստ մեծի մասին եւ ակելի յաճախ տեղի են ունեցել նախընթաց պատահած մի շարք դժբախտութիւններից յետոյ:

Այդ երեւոյթը ակելի պարզ կերպով ցոյց տալու համար ես կը վերառնեմ մեր ամենամօտ ժամանակներից մի դարաշրջան եւ հենց այն դարաշրջանը, որի մէջ կատարուել է իմ նկարագրած Կտուց անապատի հիմնարկութիւնը:

Տասնվեցերորդ դարու վերջերում յայտնուում է Շահ-Աբաս Մեծը, իսկ տասնեւեօթերորդ դարու սկզբում (1603 թ.) կատարւում է նրա առաջին կորստաբեր արշաւանքը դէպի Հայաստան: Մեր աշխարհը դառնում է արեան եւ կոտորածի մի սոսկալի հանդիսարան: Օսմանցիք մէկ կողմից, պարսիկները միւս կողմից, երկիրը բոլորովին ակերակ են դարձնում: Շահ-աբասը սրի եւ մտրակի ուժով Արարատեան նահանգից բազմաթիւ գերիներ վարում է դէպի Սպահան: Այդ բազմամարդ նահանգը իսպառ դատարկւում է բնակիչներից: Պարսիկների եւ օսմանցիների թերի թողած բարբարոսութիւնները լրացնում են Չալալի կոչոած ելուզակները: Այդ ժամանակ յայտնուում են Քեօր-օղլին եւ Գզիր-օղլին: Յետոյ անմիջապէս մինը միւսին յաջորդում են մարախը, սովը եւ ժանտախտը: Պարսիկների եւ օսմանցոց սրից ու գերութիւնից ազատ մնացած բնակիչները մեռնում են սովից եւ ժանտախտից: Երկիրը ծածկւում է դիակներով: Մեռելոտիների ընտելացած գազան-